

佛祖統紀卷第三十六

宋咸淳四明東湖沙門 志磐 撰

池六

法運通塞志卷二

晉都洛

武帝受魏禪

泰始二年侍中荀勗於洛陽造金像佛菩薩

十二身放大光明都人競集瞻禮

四年沙門竺法崇至湘州麓山廟神請授津戒舍廟為寺

○荊州都督羊祜日供給武當山寺有問其故祜曰前身多有諸過賴造此寺故獲中濟所以供養之情偏重於此

漢 漢

永樂北藏

佛祖統紀

述曰晉書祜識前身是李氏兒能取所弄金環今此言前身造此寺者蓋前身之前身也世間罪福果報不差可不知鑑祜能知前身者佛教謂之宿命通祜蓋學佛有得現身世間者

太東二年并州劉薩訶業弋獵暴卒兩人報向西北行至地獄見金色聖人左右言是觀音大士謂訶曰汝罪應入地獄可往洛陽臨淄建鄴鄭陰成都五處有阿育王塔處頂禮懺悔又吳中二石像阿育王使鬼神所造能往禮拜不墮地獄又云凡為亡人設福七月望日沙門受夏此時設供彌勝若制供養物

第二〇〇冊

具須器器標題言為某人奉上三寶福施彌
多沙門白衣見罪宿過能自發露不失事條
勤誠懺悔罪即消滅如恥於衆前陳列可對
像虔默自記說不失事者罪亦除滅若有遺
漏非故隱蔽受報猶輕若善人誦經其地皆
為金剛但肉眼人所不能見此傳所載甚多
既蘇乃出家名慧達至會稽山澤屢屢尋求
及剡縣烏石山夜聞地下鐘聲越三日有梵
僧七人行道空中地涌方壇因斲土求之得
舍利寶塔六僧騰空而沒一僧化為烏石因
以名山塔色如青石高一尺四寸廣七寸四
角挾然五層露盤中懸寶磬安佛舍利既而

其塔飛至一山凡三止其處達乃即其地建
精舍以奉塔如明王寺上殿是
二年西竺沙門婁至來廣州譯十二遊經
七年月氏沙門竺法護來長安青門譯正法
華經及涅槃寶藏經等二百十部胡氏
九年洛陽大疫西竺沙門可羅竭持咒法加
水以治之梁所遇者皆愈慧也
惠帝次武帝
元康元年巴陵顯安寺生異木西天僧見曰
此佛娑羅樹也于闐沙門無羅叉譯放光般
若經即朱士行寄歸本也
永康元年會稽諸葛氏斂自井出乃舍宅為

靈寶寺

今大

○永康中沙門義興廬于山上

有童子來給薪水久而辭去曰吾太白一辰

上帝遣侍左右言訖不見

童山四明天

永寧元年扶南國王遣使同西竺沙門那伽

仙進縷金龍座佛象牙塔○西天沙門竺叔

蘭白法祖支法度法立法炬共譯經百六十

五部炬譯有金貢太山贖罪經

永興元年西竺沙門祇域至洛陽指沙門竺

法洲曰此菩薩羊中來見竺法興曰此菩薩

天中來又云比丘衣服華麗大違戒律望帝

所官闕曰大略似忉利天疲民之力不亦侈

乎未幾洛陽亂

永樂北藏

佛祖統紀

懷帝

城武帝二

永嘉四年西竺沙門佛圖澄至洛陽時石勒

屯兵葛陂沙門多遇害召澄試術咒鉢水生

青蓮華由是神敬及與劉曜戰以訪澄澄曰

塔鈴音云秀支替戾剛僕谷禿劬當秀支軍

也替戾剛出也僕谷劉曜胡位也禿劬當捉

也

此皆羯語言軍出捉得劉曜也

於此皆羯語言軍出捉得劉曜也

反北狄皆大羊之體故胡羯羊也

果聖人也又取麻油熬脂塗掌以示童子見

一人乘馬朱然縛肋澄曰此劉曜也遂出戰

果生禽曜勒遂即王位國號趙勒愛子斌暴

卒歎曰吾聞扁鵲起魏太子乃今告澄取楊

第二〇〇冊

杖呪水洒之遂蘇勒殂弟季龍立傾心事澄
每乘輿升殿唱大和上至晉兵入淮季龍怒
曰吾奉佛反致寇佛無神矣澄曰王前身為
商經屬賓僧寺設會有六應真吾其一也時
聖者記曰此檀越報盡至晉地今為天子豈
非奉佛而致遼疆侵擾有國之常何為興怨
謗乎季龍乃悔謝澄將去入辭曰國家存心
佛理而布政苛猛致國祚不延也即安坐而
逝後有沙門自州還見澄入開季龍發冢視
唯塊石焉季龍惡之曰石吾姓也葬吾而去
其能久乎未幾果亡澄舒倫反為補典反名
應其者川羅漢得真
道也音育康於周反

六年武邑太守盧歆請道安法師於郡講經
傾城人士來聽讚歎誼席○西域優婆塞聶
道真譯十住經等五十四部
愍帝時恭武
帝之孫
建興元年吳縣居士朱膺於杜江濱口見二
石像浮江而至背有銘曰維衛佛迦葉佛遂
迎至通玄寺後八年漁者得青石鉢二於江
上歸以盛葷餼見佛像在鉢際識者謂前二
像鉢遂送寺中
元帝諱寧宣帝曾
孫遼郡北鄉
太興元年詔沙門竺潛入內殿講經以方外
重德令著履登殿

永昌元年西竺沙門吉友至建康丞相王導見之曰我輩人也一時名公皆造門結友每見王導解帶自若尚書令卞壺至壺音則正容肅然有問其故對曰王公風道期人下令執度格物吾正當以此履之耳廷尉桓彝欲為友作目友曰吉友可謂卓朗昇絕歎服以

崇

四

謂盡品目之極友善持呪所向多驗時號高座法師譯灌頂經等三部

明帝

諱昭元帝之子

蘇

太寧元年帝手御丹青圖釋迦佛于大內樂賢堂又往興皇寺集義學沙門百員講論佛道三年漁人見海上有光網之得金像文

殊誌云阿育王造後商人於海東獲一圓光持以就像若彌縫焉陶侃刺廣州得其像以送寒溪帝主僧珍嘗往其口夢寺火而此像屋獨有神護珍馳還寺果焚唯像屋存焉侃移督江州遣舟迎之至江上溺乃反水中不可獲

成帝

諱衍明帝之子



咸和元年西天沙門竺慧理至錢唐武林山驚曰中天竺靈鷲小嶺何年飛來此地邪因名天竺山飛來峯建寺曰靈隱仙翁葛洪書額字記此山名稽宿以許中隱居于此故易名靈隱三年蘇峻為亂焚燒宮室獨樂賢堂明帝所

盡釋迦像不壞帝敕著作製衣頌以彰聖德

四年丹楊尹高悝音旦行張侯橋望浦中五

色光遺像之得金像而無光跡迎置長干寺

在建康城外長干寺古名也書云色相十通言地多瓦甃也後一年臨海

郡人網得銅華趺上有梵書云阿育王第四

女造敕置長干像又四十年合浦人采珠海

中得金光敕安像上宛然如故

五年許詢以會稽永興新居為崇化寺建塔

四層物產既罄猶乏相輪一朝風雨輪盤自

備當時訪知剡縣飛來○詔會稽寶山法義

法師入禁中傳授五戒

咸康元年沙門支道林譯方等法華經

二年尚書令李邕舍句容宅為靈曜寺

六年右將軍王羲之為西天達摩多羅於廬

山建歸宗寺○庾冰輔政議沙門盡敬王

者尚書令何充等議曰武皇以盛明革命明

帝以聰聖玄覽豈此時沙門不易屈膝顧以

不變其修善之法所以通天下之志耳疏三

上冰議遂寢○沙門白法祖與道士王符議

論符屢屈乃偽作老子化胡經後法祖亡有

李通者暴死見祖法師在冥府為閻王講楞

嚴三昧經云講竟應往忉利天講經又見道

士王符身被枷械求祖法師懺悔閻王訂之

曰汝造言謗佛待世間偽經盡毀汝罪方脫

補注云其文本一卷其後增為十一卷第一卷至第三卷化胡王第二卷俱薩國降伏外道第七人第五卷化胡王第十二卷皆論佛法安夏白
 康帝帝之弟建元元年中書令何充舍宅為建福寺以居比丘且有屋宇檢於本法得戒一旦有天女乘光下庭中忻然攜手揖別弟子躡光上升充性好釋典崇修佛寺供給沙門以百數康帝巨億而不吝阮裕咸之曰卿志大宇宙勇邁終古充問其故裕曰我國數千戶郡尚未得卿圖作佛不亦大乎時却惜及弟曇奉天師道而充與弟準崇信釋氏謝萬譏之曰二都論於道二何佞於佛

永樂北藏

佛祖統紀

穆帝諱猷康帝之子

穆

穆

升平元年敦煌沙門單道開至建康不畏寒暑晝夜不臥日行七百里後入羅浮山石室坐亡

五年上有疾召高僧法開視脉知不起不肯進藥后怒囚之俄上崩獲免或問曰高明剛簡

池六

六

何以醫術經懷師曰明六度以除四魔之疾調九候以療風寒之病自利利人不亦可乎孫綽曰才辯縱橫以數術通大教其門公乎哀帝諱玉成帝之子

興寧元年詔以瓦官宮地賜沙門慧力建瓦官寺時朝賢注疏者不過十萬實也顧長康

素貧注錢百万人皆笑之一日於殿壁畫維摩像將點眸子曰第一日開見者責施十萬第二日開見者五萬第三日開見者任例責施及開戶光明照寺施者填塞果得錢百萬二年詔法師竺潛講般若于禁中後辭還剡山詔支遁相繼講法一時名士與結方外之友劉系談莊子以適性為逍遙遁曰桀跖以殘虐為性豈亦逍遙乎王濛極思作數百語遁曰與君別久而所見不長何邪鄰起問謝安曰遁談何如稽中散安曰稽盡力道才得半耳遁嘗寓書於潛求買沃洲山小嶺潛曰欲來便給未聞巢由買山而隱

廢帝

諱奕奕帝之弟

太和二年支遁表求還山詔建沃洲寺以居之遁每講多會宗遺文為守文者所陋謝安聞而歎曰此九方歟之相馬略玄黃而取神駿也嘗講維摩於山陰屢士許詢為都講詢發一問眾謂通不能通通通一義眾謂詢無以難池六三年洛陽東寺尼道馨為眾說法華維摩聽者如市七簡文帝諱昱成帝之子咸安元年有鳥來巢太極殿帝召曲安遠筮之曰西南有女人師能除此怪時尼道容住歷陽烏江寺召至都以華置席下驗凡聖容所坐華不萎謂帝曰陛下

當奉行八關齋戒自然消弭灾怪帝如言行之羣鳥運巢而去敕建新林寺以居之○沙門竺法曠入京師行齋懺懺袂星既而星沒二年敕長干寺造三級塔畢功之日光照欄宇○帝嘗幸瓦官寺聽竺法汰講放光般若每讀佛經以為陶鍊神明則聖人可至

孝武帝

諱曜簡文帝第三子

寧康元年大司馬桓溫卒初溫在姑孰有異居來見因求浴溫竊窺之見尼倮身以刀破腹斷兩足出謂溫曰卿若作天子亦當如是溫每有異志故居見戒及簡文崩諷朝廷加九錫謝安王坦之聞溫病篤密緩其事文未

成而死其後子玄遷安帝而自立為義兵見殺

述曰桓彝守宣城死於蘇峻之難忠矣子溫握兵以窺朝廷亂矣溫子玄藉父之資終為僭逆身死家亡賊矣後世修史置彝列傳溫玄四夷傳辱先世為多矣玄南面八十日其迹似王莽而不能久世為權臣而卒自陷於亂賊其可為後世戒王坦之為中書令與沙門竺法汰甚厚每共論幽真報應要死者報其事後師來云貧道已死罪福不虛唯當勤修道德以升濟神明耳言訖不見道安法師於襄陽檀溪寺建

浮圖銅像

梵語浮圖又譯塔婆此云高顯處

能自起行至

方山光明燭天傾都瞻拜高士習鑿齒詣安
自稱四海習鑿齒安答曰彌天釋道安時以
為名對上開安名詔曰法師以道德照臨天
人宜曰食王公祿所司以時奉給

二年竺潛法師亡詔曰潛法師捐宰相之榮

沈六

襲緇衣之行方賴宣道以濟蒼生奄從遷謝

用痛于懷可賜錢五十萬助建瑩塔

太元元年西天沙門涉公至長安秦主苻堅
尊奉之常呪龍致雨以濟時旱國人賴之○
慧永法師至廬山居西林香谷潯陽刺史陶
範舍所居以為寺

四年秦人攻拔襄陽獲道安習鑿齒送往長
安秦主苻堅喜曰晉正吳會利在二陸今破
襄陽獲士裁一人半堅出東苑命安同載僕
射權翼諫曰道安毀形不可參乘堅怒曰安
公道德所尊乃令翼扶安登輦安入閤沙門
皆隨師姓安曰師莫如佛應沙門宜以釋為
姓及增一阿含經至有云四河入海無復異
名四姓出家同稱釋氏藍田得古鼎腹有篆
文朝無識之者以問安安曰魯襄公所鑄也
秦主敕三館學士有所疑皆以問安國人為
之語曰學不師安義不禁難安貌銳而姿黑
喜談論故諺曰漆道人驚四鄰左臂有肉方

寸隆起如印世號印手菩薩

六年帝於內殿立精舍奉佛召沙門名德者
居中行道○慧遠法師安公自襄陽至廬山

立龍泉精舍初師至山夢神告曰此山足可

棲神願毋它往夕大雨雷電見林壑廣開素

沙布地擬楠文梓縱橫充斥九江刺史桓伊

乃為建寺曰東林殿曰神運師於江上禱請

陶侃文殊像忽浮出水乃迎置殿造重閣以

奉安之○沙門法正譯千佛名經等百十一部

十六年劉賓沙門衆至江左凡水自西而東

為皆北為左中南為右不知背江而當江右

可也自右為左者同坐此誤此說得之

儒宗先生云

永樂北藏

佛祖統紀

譯三法度經等三部

十九年江陵城北有五色光沙門曇翼得金

像于土中光相有梵書云阿育王造乃迎置

長沙寺寺在長沙縣南即此像也

長沙寺在長沙縣南即此像也

法師渡江造東西二寺自晉宋齊梁陳氏常

及萬僧隋初名僧三千五百當途講說者五

十三人別院大小十所般舟方等二院夏別

千人寺屋各及萬間○廬士戴逵欲造丈

六無量壽佛像以古製朴拙乃密采衆說積

思三年刻雕方就迎置山陰靈寶寺郊起見

而作檀方操香在手忽勃然煙上極目雲表

取皆歎其神感 ○蜀賓國沙門僧伽跋澄

果長安譯雜毘曇婆沙論 ○龜茲國_{音丘}沙

門鳩摩羅什至長安秦主姚興館于逍遙園

譯大品般若經

安帝_{諱德宗武帝子}

隆安二年長安沙門法顯往天竺求經 ○

桓玄輔政勸上沙汰僧尼詔曰有能伸述經

牒演說義理律行修正者並聽依所習餘悉

令罷道唯廬山道德所居不在搜簡遠法師

以書力辨事遂寢

五年秦羅什法師於逍遙園譯妙法蓮華經

秦主於草堂寺與三千僧手執舊經重加參

乏敕僧習等諮受什旨以僧尼多濫令僧

習為國僧正秩同侍中給車馬吏力法欽為

僧錄僧遷為悅眾班秩有若_{世反不齊初}

{加反}各給親信白從三十人{謂白身從人非舊制軍兵} ○

戴顓達之子才巧如其父江夷嘗託顯造觀

音像積年未成夜夢人曰江夷於觀音無緣

可改為彌勒顯即馳報而夷書已至俱於此

夕感夢及改造彌勒觸手成妙_{其後在會}

元興元年秦羅什法師自弘始四年以來譯

道教經維摩詰經大智度論成實論等九十

八部秦國譯經沙門佛馱邪舍功德華無垢

眼法稱法海童覺竺佛念眾現法喜眾天十

師譯經二十三部

二年相玄欲重申庾冰之議今沙門盡敬者
達法師致書云袈裟非朝宗之服鉢盂非廊
廟之器塵外之容不應致敬王者玄得書即
下令不行師復著沙門不敬王者論以警當
世論見唐山集敬者拜也不敬者不拜也重音仲再也○西竺曇摩流

支至秦與什法師同譯十誦律 ○初東土
未有涅槃常住之說但云壽命長遠遠法師
曰佛是至極至極則無變無變之理豈有窮
哉乃著法性論其要有曰至極以不變為性
得性以體極為宗後羅什見論歎曰晉人未
見經間與理會師聞羅什入關通書申好什

答書并偈秦安城侯姚嵩寄羅什新譯智論
祈師為序師以文廣鈔二十卷而別序之○
羅什弟子有生摩融叔時號閑中四聖道生
者初入廬山蓮社後至長安從羅什見法顯
譯涅槃經云六卷除一闍提皆有佛性師曰
阿闍提人此云信舍生之類何得獨無佛性

此經未盡耳乃唱闍提之人皆當成佛衆
以為邪說背經於律當擯生對衆誓曰若所
說契合佛心願舍報日踞師子座於是東身
還入虎丘山聚石為徒講涅槃經至闍提處
則說有佛性且曰如我所說契佛心否羣石
皆為點頭後還廬山聞曇無讖重譯涅槃至

聖行品果云一聞提人雖復斷善猶有佛性
耐喜不勝嘗謂聖教東流譯人重阻多滯
文鮮通圓義於是檢閱真俗精練空有乃著
善不受報論頗悟成佛論佛性常有論法身
無色論佛無淨土論並籠罩舊說妙有淵旨
守文之徒嫌嫉競起一日升座說法俄見塵
尾墮地隱几而化 ○僧摩初見什什曰法
中龍象也著般若無知論物不遷論不真空
論涅槃無名論摩論名什曰吾解不謝于文當
相揖也天台宗謂什摩多附通義 ○道融從羅什久之
師子國婆羅門馱其書至關中乞辨論什令
融當之融先問外道經書使人錄其目秦主

大集以能博觀為誇融數其書并秦地經史
十倍之乘勝嘲曰卿乃未聞大秦有博學者
乎婆羅門愧服再拜而去 ○僧叡初遊外
歷諸國後入廬山遠師社來京師止烏衣寺
誦說久之入關中從羅什風神明澈見者畏
敬秦主因朝會指師謂姚嵩曰四海僧望也
義熙二年師子國獻白玉佛像高四尺二寸
○遠法師所居東林流泉匝寺下入於溪師
每送客過此有虎號鳴因號虎溪後送客未
嘗過獨陶潛道士陸脩靜至語道契合不覺
過虎溪因相與大笑世傳為三笑圖
○廬山沙門佛陀那舍此云覺明至涼州誦出四

分律與竺佛念同譯

四年遠法師以江東經卷未備禪法無聞律
藏殘闕乃令弟子支法領等往天竺尋訪獲
梵本於于闐遇佛陀跋陀羅乃要與東還
六年初劉程之入廬山依遠法師念佛師曰
官祿巍巍何以不為程之曰君臣相疑吾何

典

上

以為居山十五年專志念佛是年八月見阿
彌陀佛放光摩頂即對像焚香祝曰我以釋
迦遺教知有西方淨土願持此香先當上奉
釋迦世尊次用供養阿彌陀佛願賜攝取第
三奉供妙法蓮華經所以得生由持此經言
已卧床西向而逝程之有隱德謝安劉裕相

推薦甚力辭不屈乃旌之曰遺民

○周續之幼通五經五緯時號十經童子公
卿交辟無所就入廬山預遠公社布木蔬食
終身不娶世稱通隱

○雷次宗入廬

山蓮社立館東林之側及遠公亡與子姪書
曰吾託業廬山事釋和上二十年淵匠既傾

良用亦喪及今未老尚可厲志成四歸之津
梁自今以往勿以家務相聞

七年初沙門法顯西遊經三十餘國至中天
竺登閼崛山見老僧揖之不顧有年少來問
之對曰大迦葉尊者也追之不復見顯以經
像附商人至師子國泛南海達青州而還至

揚都譯大般泥洹經五部

大藏有題法師傳

述曰此土沙門西遊者始於朱士行而唯及於西域于闐實葱河之東境耳至顯師則西踰葱嶺遠屆五天復能取道南海東還晉地求法之勤以此師為始也

八年罽賓國佛馱邪舍至廬山預蓮社先於

池大

十三

秦國譯四分律長阿含又與羅什對譯十住婆沙論以毘赤髡為赤髡論主 龜茲國曇無讖至姑臧涼王沮渠蒙遜留之譯大般涅槃經四十卷後固辭西歸遜怒其去已密遣人刺於路初識出關謂送者曰業期至矣既西遜悔白日見神人以劍刺之遂卒識在

涼與道龔諸師譯悲華經等

述曰罽賓害師子而臂墮命終沮渠刺無識而神人加刃或謂聖師通達宿業方圖償債豈當使之受報若是意者護法之神怒其干犯尊境而前人憾惡之心自足以召之非同常人互相責報之比也

九年迦維衛國沙門佛馱跋陀羅此云至廬山入杜遠法師請譯禪數諸經自是江東始耽禪悅 十年廬山西林永法師示疾忽合掌西向曰佛來也安坐而化異香七日方歇遠法師居東林三十年師居西林亦如之鎮南將軍何无忌至庾溪召之遠師久持名望

從徒百人高言華論舉止可觀而永公納衣
半脛荷錫持鉢松下飄然而來神氣自若无
忌歎曰永公清散之風乃多於遠公也

勝以下

十二年遠法師久修淨業三瞻佛相以是年
八月六日感佛來迎倏然神化遺言露苑林

下弟子不忍乃奉全軀葬于西嶺謝靈運

製碑張野作序宗炳復立碑于寺門初師在

山行道名儒劉遺民雷次宗周續之宗炳張

野張詮沙門求法師慧持遠師之弟道生曇

順從羅什幸慧嚴曇恒道丙曇詵道敬

子佛馱邪舍列賓目人佛馱跋陀羅

公皆遠弟

常同遊止世號廬山十八賢復與僧俗百

二十三人結社念佛令劉遺民著誓辭共期

而升謝靈運負才傲物一見師肅然心服為

鑒東西二池種白蓮因名白蓮杜靈運嘗求

入社師以其心雜止之嘗以書招陶潛潛曰

許飲即往師許之遂造焉忽攢眉而去所著

法性論不拜王者論等及詩序銘讚凡十卷

歸廬山集

白雲端溪師

序有云王制公言晉人為文無如遠公

述曰佛法起於漢至晉而益盛然競演經

論各事專門獨東林法師始以念佛三昧

之道開先一時貽則千古蓋知其為此土

人根為道之要故能結社招賢來名儒而致高釋臨終神化感佛迎以獲往生斯為一生取證永居不退之至道也師之言曰功高易進念佛為先凡在修門請事斯語云

會稽太守孟顓事佛精懇而為謝靈運所輕

嘗謂顓曰得道應須慧業丈夫生天當在靈運前成佛必居靈運後顓憾之

十三年初餘杭山沙門法志常誦法華有雉翔集座隅如聽受狀越七年雉殞志瘞之夜夢童子拜曰因聽經得脫羽類今生山前王氏家志詰朝遣問之如其言王氏一日設齋

志方踵門兒曰我和上來也志撫之曰此我雉兒也解衣視腋下果有雉毳三莖七歲令入山出家十六落髮以腋有毳因名曇翼初詣廬山依遠法師續往關中見羅什後東遊會稽入秦望山誦法華經越十二年有女子身披彩服攜筠籠盛一白豕兩根大蒜至師

洪

十五

前曰妾入山采薇日已夕矣豺狼當道歸無生理敢託一宿師卻之甚堅女哀鳴不已遂以草牀居之夜半踞呼腹疼告師案摩師乃以布裹錫杖遙為案之翌旦女以彩服化祥雲豕變白象蒜化蓮凌空而上謂師曰我晉賢菩薩也以汝不久當歸我衆特來相試觀

汝心中如水月中不可染汚既而天上雨華
地皆震動鄉人聞見莫不稱歎是日太守孟
顓方晨起視事忽見南方祥雲先射庭際隱
然金石絲竹之音訪知普賢示化遂以師道
行上闡于朝敕建法華寺今天師既亡漆真
身留山中唐武宗廢法華寺永南師中沙

門法莊為遠法師弟子誦法華為常業鄰人
夜間見師房前有兵仗翊衛之狀道俗傳聞
莫不尊敬○沙門曇遠止河陰白馬寺日
誦正法華兼通講說夜夢一人叩戶請法師
九旬講經遂不允固請乃赴忽見身在白馬
塢神祠弟子一人亦預自是每日密往一旦

寺僧過祠下聞誦說之聲見對設二高座異
香郁然夏竟神施白馬一疋白羊五頭絹五
十疋用充講觀師即呪願受之
十四年吳內史孟顓請佛馱跋陀羅於建業
謝司空寺譯華嚴經六十卷有二青衣旦從
池出灑掃研墨時慧嚴慧觀為筆受

恭帝

德文安

元熙元年帝深敬佛道詔於瓦官寺鑄釋迦
佛丈六金像畢功之日放光佛寺傾都人士
咸致供養宋高祖劉裕受
永初元年帝設齋內殿令沙門道照陳詞至
百年迅速苦樂俄頃之句帝之別賜觀金三

萬 ○帝始生有神光之異既長遊下邳
遇異沙門於逆旅曰天下喪亂拯之者其君
平時患手瘡沙門以黃散藥留之忽不見以
藥傳瘡一治而愈嘗遊京口竹林寺獨卧講
堂前有五色龍章諸驚以白帝帝曰上人無
妄言冀州沙門法稱謂其弟子曰嵩嶽神言
江東有劉將軍漢之苗裔應天受命吾以壁
三十二枚鎮金一鉗為信帝聞之令釋慧義
往嵩山求之俄夢長須翁以杖指石下來曰
諸廟所石壇求之果獲因得獻上帝夢異僧
語之曰君前世曾施維衛佛一鉢之飯今報
斯位 ○司徒王謚見東廂門地有光掘之

得金佛一軀高七尺二教置臺中供奉 ○
車騎范泰於宅西建祇洹寺謝靈運於石壁
山建招提寺 ○黃龍國沙門曇無竭與僧
猛等二十五人往西天求經越二十年唯無
竭還揚都譯經 少帝義符高祖長子
景平元年蜀賓沙門佛陀什於揚都龍光寺
譯五分律南山云四部之文無越斯律但弘通蓋寡良可長歎
文帝義隆高祖第三子元嘉元年蜀賓國沙門曇
摩密多至觀經觀普賢行法經等十部
自表皇后皇子以下傾都禮敬 ○西天沙
門置良邪舍譯觀無量壽佛經
述曰文帝嗣位之初觀普賢無量壽二經

同時而至至今持誦者為尤盛是知元嘉之際尊敬大乘五國來貢咸贊奉法自渡江以來未有此時之光大也

二年詔於京師為高祖建報恩寺○敕沙門道祐往鄧縣修阿育王寺掘地得金合盛三舍利佛爪佛髮詔建浮圖三級

沈氏

十七

三年神僧杯渡初出冀州挈一木杯渡水必乘之因號杯渡行荷蘆園求遠反以蘆廣陵為開也李氏飯僧渡以園置庭中坐席上食畢提其圈呼曰四天王時有童子見中四小兒長數寸眉目如畫及追之已失所在○西天沙門伊葉波羅來彭城譯經○徐州刺史王

仲德於宋王寺造丈六金佛每有寇難則醵流汗四年涼州沙門智嚴譯璣本業經寺十四部○沙門慧琳擬學得幸詔與顏延之同議朝政琳著高履披貂裘孔顗戲之曰何用此黑衣宰相嘗著黑白論與佛理違戾衆論排之見弘明集琳後感膚肉糜爛歷年竟

死時以為叛教之報

五年迦毗羅國月愛王師剎利摩訶王皆遣使入貢帝答摩訶王曰此小乘經甚少國中所有幸皆寫送

六年帝幸祇洹寺觀度童子慧基

七年訶羅陀國入貢其表曰伏承聖上信重

三寶興立塔寺周滿世界今故遣使表此微
心○初帝聞願賓三藏求那跋摩名此大德
詔文州遣沙門道敏抗海邀之跋摩忻然附
舶至廣州上遣使迎至金陵命居祇洹寺僕
射何尚之等並師事之請講華嚴前廢唐時
以未通華言禱於觀音夜夢力士易其首旦
起猶覺微疼遂徧曉東語帝嘗問曰朕欲齋
戒不殺迫於徇物不獲于志對曰帝王匹夫
所修各異匹夫身賤名劣言令不威若不克
已將何以濟帝王以四海為地民為子出一
嘉言士民咸說布一善政人神以和則風雨
應時百穀滋茂如此持齋德亦大矣帝在輟半

日之餐全一禽之命然後弘濟邪帝歎曰俗
迷遠理僧滯近教如法師之言可謂盡天人
際師在祇洹講嚴十地品帝率公卿曰集座
下法門稱榮十年訶羅單國入貢表稱
常勝天子陛下○西天僧伽跋摩至建康敕
住平陸寺為京師沙門慧照達六三百七十人渡
蔡洲岸於船中再受具戒或問其意照曰以
疑先受若中若下更求增勝故須重受依本
臘反重直用
述曰此由照等先受戒不如法故於船上
結界攝僧以便行事耳今人年少輕心受
戒不知方便不能有所感發尚未沾於下

品則於再受誠得其宜薩婆多論云重受增為吐本夏不失若此則中下尚須增受況未能感發者乎或問先已聞羯磨今若再受則先聞成盜聽者然於當時輕心無知既不能領聖法尚何盜聞之發明律高德更須一評

十一年求那跋摩於南林寺立戒壇為僧止受戒為震旦戒壇之始時師子國比丘尼八人來未幾復有尼鐵索羅三人至是為十衆乃請僧伽跋摩為師為景福寺尼慧果等於南林戒壇依二衆重受具戒度三百餘人直重

永樂北藏

佛祖統紀

述曰僧史略之言云漢度阿潘受三歸也晉度淨檢從一衆也二衆得戒自此年慧果始也

十二年閼婆國入貢表曰宋國大主大吉祥天子教化一切降伏四魔轉尊法輪度脫衆生我等在遠亦霑靈潤 ○慧詢律師善僧

祇十誦律製文敷演此解十誦之始也 ○梁敕尼寶賢為京邑尼僧正 ○帝謂侍中何尚之曰范泰謝靈運常言六經本在濟俗若求性靈真要則必以佛理為指南近見顏延之折達性論宗炳難白黑論並見弘明達至理開獎人意若摩土皆淳此化則朕坐致

太平矣尚之曰渡江已來王導周顒庾亮謝安戴逵許詢臣高祖兄弟弟何亮兄莫不稟志歸依夫人能行一善則去一惡去一惡則息一刑一刑息於家萬刑息於國此明旨所謂坐致太平者也故圖澄適趙二石滅暴靈塔放光符牒損虐神道助化昭然可觀至土木之功雖若糜費然植福報恩不可頓絕尚之又曰夫禮隱逸則戰士息貴仁德則兵氣銷以孫吳為志動期吞并則將無取乎堯舜之道豈特釋教而已哉帝說曰釋門之有卿猶孔門之有季路所謂惡言不入於耳也○沙門功德鎧功德賢諸師譯經九十部○

竺道生卒於廬山立佛性義為帝所重王弘范泰與之為友帝設御齋親臨地坐食至衆疑非時律以過午為非時帝曰始可中矣謂午時生曰白日麗天天言始中何得非中取筋便食一衆歎其機辯○曇摩密多於鄧縣建阿育王寺塔十三年詔求沙門能述生法師頓悟義者庾登之以法瑗聞瑗後召見瑗申辨詳明何尚之歎曰意謂生公之沒微言永絕今復聞象外之談湘宮寺成召師居之帝每臨幸聽法○簡靜寺居智道罷道適梁羣甫生子七歲家貧無衣思為居時有素絹所書法華經即浣擣為衣著兒體忽遍

身生瘡白蟲周匝號叫旬餘而死聞空中告云壞經為衣得此劇報

十四年初都人孫彥曾家世奉佛有妾王惠稱常誦法華忽見江浦有光掘之得金佛一軀先有銘曰建武六年庚子官寺道人法新造前稱武帝者唯晉元帝而止及元年尼道壽誦法華滿三千

徧每見光瑞空中有寶蓋垂覆頂上二十

二十年沙門慧嚴卒帝詔慰曰嚴法師氣識淵遠道學之匠奄爾還神痛悼于懷可給錢五萬布五十匹

一十二年初范華華音負才不得志與孔熙熙音議廢立事敗死獄中祇洹寺沙門曇遷素與畢

友賣衣孟為營葬具

魏世祖聞而歎賞謂徐爰曰卿著宋書無遺此事二十三年魏世祖與司徒崔浩奉道士寇謙之詔天下焚毀經像塔廟誅戮沙門詳見通鑑卷四志第一試欲誅之沈慶之諫曰佛經魏世祖威震天

下豈玄謨所能當殺戰將徒自弱耳乃止初玄謨將見殺夢人告曰誦觀音經千徧可免仍口授其經曰觀音南無佛與佛有因與佛有緣佛法相緣常樂我淨朝念觀世音暮念觀世音念念從心起念念不離心既覺誦之不輟忽唱停刑後官至開府年八十二〇二

十九年魏文成即位大復佛法

孝武帝世宗子

○敕沙門慧璩為京邑都維那

○文帝諱日上於中興寺建八閤齋中食竟

從臣袁敏孫等更進魚肉帝怒並與免官

○召沙門道猷入內殿說法上稱善敕為新

池六

二

安寺法主 ○吳興沙門僧瑜初於廬山建

招提寺常持法華是年六月謂友人曰結累

三塗情形之故情將盡矣形亦宜損藥王之

轍獨何遠哉遂別衆入柴龕端坐誦藥王品

發炬以焚衆見紫氣騰空旬日所居生雙桐

樹識者謂是婆羅雙樹之兆

大明四年路太后於中興寺造普賢像設齋

忽有異僧見于座衆驚問之對曰慧明自天

安來言訖不見因詔改為天安寺勅沙門道

溫為都邑僧正○西天沙門功德直至荊州

同玄暢譯經直每舒手出香掌中流水

五年廬陵太守周湛進金像高九尺三寸言

僧法均夢中獲之因尋訪至三曲江光浮水

面求之果得獲既而長沙郡進金光趺云漁

人得之水上安其像如一 ○魏使李道

固來朝帝以中興寺僧鐘有才辯召為館伴

與語不已過中不食道固曰無乃為聲聞邪

鐘曰應以聲聞身得度者即現聲聞身而為

說法時稱名對

六年四月八日帝於內殿灌佛齋僧 ○沙

門惠簡等譯經二十六部

七年竹林寺沙門慧益誦法華誓焚身帝遣使諫不聽以佛生日詣闕辭帝囑以佛法往鍾山入油鑊以吉布經身焚之帝駕往勸止

不待衆聞誦藥王品忽聞筚管之聲異香分馥夜帝夢師囑付護法翌日設大會詔於焚身處建藥王寺

八年十月制沙門盡敬君上沙門僧遠聞而歎曰我自出家為僧何開帝王事邪即日拂衣歸鍾山

永樂北藏

佛祖統紀

前廢帝

子業武

景和元年正月制停沙門

致敬 ○沙門法益等乞泛海徃天竺請未

來經法至廣州值海寇作難不果徃

沙門覺壽譯沙彌塞律一部

明帝

或文

泰始元年詔於建陽門置興

皇寺敕沙門道猛為綱領帝曰人能弘道今

得法師

法六

非直道益蒼生亦有光世望乃下

詔曰猛法師風道多濟朕所賓友可月給錢

三万令吏四人白簿吏二十人車及步與各

一乘又詔僧瑾為天下僧主賜法技一部

者女樂作技者訓藝今編法技則是 親信

二十人月給錢三萬及車與吏力

第二〇〇冊

二年寶誌大士往來皖山在舒州反徒跣著錦抱以前尺鏡拂拄杖頭負之而行兒童見者譁逐之或徵索酒或屢日不食嘗遇食贍者從求之食吐水中皆成活魚時時歌吟如識記初金陵朱氏聞兒啼驚巢中舉以為子七歲依鍾山僧儉出家專修禪觀俗呼為誌公

李自讚刀斧尺架

三年帝幸莊嚴寺觀

三教談論 ○周顒遷直殿省時帝好玄理而遇人慘毒不敢顯諫輒舉佛經罪福事帝為之遷善顒著三宗論言空假義西涼州道人智林遺書以贊美之 ○敕居淨秀所居為禪林院秀有神異感娑伽羅龍王兄弟來

護常有三十二童子功德天善女天以任驅役是二十二童子應天所服袈裟色如熟椹見諸左不如法即行摩那埵懺悔之法懺悔法自意惟率天持波利毘謂其師曰可齋堂中坐禪沙門 ○逸士顧歡作夷夏論以佛道二

洪

共

教齊乎達化而有夷夏之別歡雖同二法而意黨道教司徒袁粲託沙門通公為論以駁之謂孔老教俗為本釋氏出世為宗叢軫既殊其歸亦異常侍何鎮之亦以書詆歡言道家經籍簡陋如靈寶妙真之類誅法華制用尤拙上清黃庭餐霞咀石非徒法不可效道

亦難同雖五千之文稍長終不若三乘共引

九流俱接之為得也出弘明集及南史類傳○沙門

竺法眷等譯無盡意經等十二部○帝聞

廬山陸脩靜有道築崇虛館以禮致之順風

問道朝野歸心

後廢帝昱明帝太子

元徽三年定林寺法獻往天竺求經至于闐

國得佛牙舍利法華提婆品以歸

順帝昱明帝第三子

昇明元年敕沙門法持為天下僧正

齊廢帝昱明帝第三子

高帝昱明帝第三子



建元元年帝幸莊嚴寺聽僧達法師講維摩
經御座稍遠中書令張緒請遷講席以鄰帝
座二年益州刺史傅琰言沙門玄暢建
齊隆寺威青衣神人遠山守衛敕蠲百戶用
充資給帝幸鍾山僧遠所居遠牀生辭以
老病不出迎以房門狹不容車遣使特勞問
三年中天竺沙門曇摩耶舍譯無量義經
四年詔沙門法顯為京邑僧主詔迎皖
山誌公入京公携其面為十二面觀音帝以
其惑眾惡之武帝昱明帝第三子
永明元年帝於華林園設八關齋戒帝徵時
避難揭陽山中累石為浮圖忽有一樹生其

側狀如華蓋

○西天沙門達摩提來譯

提婆達多品

鍾山僧遠居山五十年天

下仰其高德及亡帝致書尉弟子法獻曰承

遠上無常弟子中夜已自冥知還上此去甚

嘉遲見法師方可敘瑞夢耳遠上者遠

○敕長干寺玄暢同法獻為僧主分任江南

北事時油六彌黑衣二條

二年詔沙門僧鍾見于乾和殿但稱貧道帝

問僕射王儉曰古之沙門何所稱對曰漢魏

此道未盛無所傳聞晉宋以來多稱貧道而

使預座晉之中世庾冰玄欲使盡敬事竟

不行帝曰獻暢二師道行如此尚乃稱名況

復餘者揖拜則非制稱名亦無嫌

四年沙門僧護於剡縣石城山見崖間光佛

醵乃鑄石為彌勒佛纔成面像初是晉世有

沙門曇光至剡山石室宴坐有雕甍丹楹造

前依足與授三歸並即引去已而山祇盛飾

來見光為說法神奉山以結伽藍名曰隱岳

同學干蘭復創寺於旁曰玄化護既造像乃

即像所建剡名石城與兩寺鼎足而居齊末

沙門僧淑來繼其功至梁武帝舉兵東下用

度不足建安王偉文帝弟取襄陽銅佛毀以

為錢置僧藏繼舉兩反漢志藏經多如毒害

後剡江州感惡疾有始豐縣令陸咸今天夢

沙門三人謂曰建安王滌患由於宿障剡縣僧護造彌勒石像若能成濟必獲康復咸還都經年出門遇僧謂曰建安王事猶能憶否忽然不見咸大感悟遂以白王即召芝林寺僧祐律師因舊功鑿入五丈鑿楚服反平水至天監十五年畢功像身光燄通高十丈王疾

洪

其五

既愈遂留神釋學益悟佛理唐道宣律師見天神謂曰師即僧護僧淑僧祐後身故世稱為三生石佛云出南史及劉勰石像碑天人并錄五年文州進真珠佛像○司徒竟陵王王子良居西邸招致名僧講論佛法造經唄新聲數營齋戒躬為僧倫賦食行

水嘗夢東方普光世界天王如來說淨住淨行法門因著淨住于二十卷及三寶記。劉霽母明氏寢疾霽誦觀音數萬遍夜夢僧曰夫人等盡君精誠薦至當為申延後六十日乃亡霽廬墓哀慟常有白鶴雙翔廬前史南劉歊隱居求志事母兄以孝悌母每病夢歊進藥翌日有間弟劉訐精意釋典歊聽講鍾山諸寺因共卜築東澗訐常著穀皮冠披納海遊山澤輒留連忘反史南六年僧伽跋摩於廣州竹林寺譯善見毗婆沙律七年平原居士明僧紹舍攝山宅為棲霞寺帝以誌公幻惑俗衆收付建康獄

是日國人咸見大士遊行市井其夕語吏曰
門外有兩與食為我取之既而文惠太子竟
陵王送供至建康令以聞帝悔謝奉迎至禁
中館于華林園竟陵王於弘濟寺講
成實三論夢中作維摩一契命僧辯傳詠之
羣鶴飛舞于階詠畢而去 ○西天沙門摩

訶乘德進等譯諸經律
八年帝不豫詔諸沙門析佛聖僧至七日感
天香滿殿聖僧影迹堂內金錫振響已而康
復 ○晉安王蕭子懋年七歲母阮淑媛病
請僧行道有獻蓮華供佛者漬銅罍中王流
涕禮佛曰若阿姨因此和勝願華竟齋不萎

七日齋畢華更鮮紅視罍中稍有根須母疾
遂愈當世稱其孝感
十一年誌公在華林園忽重著三布帽未幾
帝崩文惠太子豫章王相繼而殂
明帝嵯峨瑞珽建武二年召劉蚪為國子
博士不起蚪隱居江陵沙洲衣麻辟穀六時
禮佛注華嚴經以頸漸二門判教又注法華
經躬自講說是年冬有白雲徘徊欄宇異香
入戶聞磬聲而卒 四年誌公於平旦出
宮門忽曰門上血腥又帝遇害果以犢車載
屍出此門頸血流墮門限徐陵兒時父攜之
以候公公摩其頂曰天上石麒麟也

永泰元年滕曇恭年五歲母楊氏患熱思食
寒瓜豫章土俗不產曇恭歷訪俄遇一僧我
有兩瓜分一相遺忽失所在及父母率曇恭
蔬食終身晝夜哀慟門外有二冬生樹有神
光自樹而起俄見佛像侍衛之儀家人咸共
禮拜久之乃滅時人號為滕曾子

東晉侯

寶卷明
帝次子

永元元年扶桑國僧慧深來京師言其國在

大漢東

海外多稱中國為
漢者存舊稱也

三萬里宋大明五

年宋

武帝 罽賓國沙門五人至其國流通佛法

樓東方朔十洲記扶桑在東海去東岸一
萬里海水碧色甘香扶桑在碧海中地方

永樂北藏

佛祖統紀

萬里大帝太真所治林木如桑兩兩同根
更相依倚故名扶桑仙人食其榘體作金
色今慧深言去東三萬里當是遠人不測
此中地里故言若此

瓦官寺有師子國王像戴安道手製佛像五
軀額長康維摩畫圖世謂之三絕東晉侯取

玉像為潘貴妃毀作釵釧都人為之歎恨

佛祖統紀卷第三十六

世

地六

經

下

諸

第二〇〇冊

永樂北藏

佛祖統紀

第二〇〇冊